

學術叢編

第十三卷至第十六卷

上海書店出版社

學術叢編

第十三卷至第十六卷

上海書店出版社

學術叢編

卷十三

學 藝
厚 祿
編 纂

廣倉學
客刊行

學術叢編

第十三冊



太史公繫年考略

稿本

王國維撰

操風瑣錄卷一

稿本

劉家謀撰

日知錄續補正卷一

稿本

李遇孫撰

曲律

指海本

明王驥德撰

太史公繫年考略

海甯王國維

公姓司馬氏名遷字子長

案子長之字史記自序與漢書本傳皆不載揚子法言寡見篇或問司馬

子長有言五經不如老子之約也又君子篇多愛不忍子長也仲尼多愛愛義也子長多愛愛奇也子長二字之愛見於先漢人

著述者始此嗣是王充論衡超奇變動須頌案書諸篇張衡應閒皆稱司馬子長或單稱子長是子長之字兩漢人已多道之

正不必以不見

左馮翊夏陽人也

案自序司馬氏入少梁在晉隨會奔秦之歲即魯文公七

年周襄王之三十二年越二百九十一年改少梁曰夏陽自司馬氏入少梁迄史公之生凡

四百七十五年

自序云昔在顓頊至於夏商重黎氏世序天

地其在周程伯休父其後也當周宣王時失其守而爲司馬氏

司馬氏世典周史惠襄之間司馬氏去周適晉晉中軍隨會奔

秦而司馬氏入少梁自司馬氏去周適晉分散或在衛在或趙

或在秦在秦者名錯與張儀爭論於是惠王使錯將伐蜀遂拔

因而守之錯孫靳事武安君白起與武安君共阬趙長平軍還

而與之俱死杜郵葬於華池

集解引晉灼曰地名在鄠縣索隱云晉灼非也案司馬遷碑在夏陽

西北四里國維案水經注河水篇陶渠水又東南逕華池南池方三百六十步在夏陽城西北四里許故司馬遷碑文云高門

池華在茲夏陽城西北漢陽太守靳孫昌昌爲秦主鐵官昌生殷濟精舍四里所此索隱所本也

無澤

漢書作毋澤

無澤爲漢市長無澤生喜喜爲五大夫卒皆葬高

門

集解引蘇林曰長安北門瓚曰長安城無高門索隱云蘇說非也案遷碑高門在夏陽西北去華池三里國維案水經注

河水篇陶渠水又南逕高門平原蓋層巒缺故流高門之稱矣又云高門原東去華池三里太平寰宇記同州韓城縣下引水

經注高門原南有層阜秀出雲表俗謂馬門原正義引括地志亦云高門原俗名馬門原蓋亦本古本水經注馬門原或以司

馬氏家
地名矣
喜生談談爲太史公
說見
太史公學天官於唐都
今書

卽位招致方士唐都分其天都而巴落下閭運算轉歷然後王
辰之度與夏正同天官書自漢之爲天文者星則唐都氣則日

朔漢書律歷志元封七年造漢歷方士唐都實與於太初改歷焉
又公孫宏傳論治歷則唐都落閭是唐都實與於太初改歷焉

之役考司馬談卒于元封元年而其師
受易於楊何
儒林列

之唐都至七年尙存則都亦壽考人矣
易田何傳東武人王同子仲漢書儒林傳何字叔元
習道論

於黃子

集解徐廣曰儒林傳曰黃生爭論是黃老之術案傳云轅固

史略相當徐說殆是也談既習道論故論六家要旨頗右道家與

司馬談之說爲史公之經是切
仕於建元元封之間有子曰遷卽

公是也

漢景帝中五年丙申公生一歲

案自序索隱引博物志太史令茂陵顯武里大夫司馬

此下奪遷字

年二十八三年六月乙卯除六百石也

今本博物志無此文當在逸篇中又茂先此條

當本先漢記錄非魏晉人語說見後

案三年者武帝之元封三年苟元封三年史

公年二十八則當生於建元六年然張守節正義於自序爲太史令五年而當太初元年下云案遷年四十二歲與索隱所引博物志差十歲正義所云亦當本博物志疑今本索隱所引博物志年二十八張守節所見本作年三十八三訛爲二乃事之常三訛爲四則於理爲遠以此觀之則史公生年當爲孝景中五年而非孝武建元六年矣

又案自序遷生龍門龍門在夏陽北正義引括地志云龍門山

在同州韓城縣北五十里而華池則在韓城縣西南十七里相去七十里似當司馬談時公家已徙而向東北然公自云生龍門者以龍門之名見於夏書較少梁夏陽爲古故樂用之未必專指龍門山下又云耕牧河山之陽則所謂龍門固指山南河曲數十里間矣

武帝建元元年辛丑六歲

五年乙巳十歲

案自序年十歲則誦古文索隱引劉伯莊說謂卽左傳國語世本等書是也

見余漢代古文考

考司馬談仕於建元元封間是時當已

入官公或隨父在京師故得誦古文矣自是以前必已就閭里

書師受小學書故十歲而能誦古文

元光元年丁未十二歲

二年戊申十三歲

案漢舊儀

太平御覽卷二百三十五引

司馬遷父談世爲太史遷年十三使

乘傳行天下求古諸侯之史記

西京雜記卷六文畧同

考自序云二十而

南遊江淮則衛宏說非也或本作二十誤倒爲十二又訛二爲

三與

元朔元年癸丑十八歲

三年乙卯二十歲

案自序二十而南游江淮上會稽探禹穴關九疑浮於沅湘北

涉汶泗講業齊魯之都觀孔子之遺風鄉射鄒嶧戾困鄆薛彭城過梁楚以歸考自序所紀亦不盡以遊之先後爲次其次當先浮沅湘闕九疑然後上會稽自是北涉汶泗過楚及梁而歸否則既東復西又折而之東北殆無是理史公此行據衛宏說以爲奉使乘傳行天下求古諸侯之史記也然公此時尙未服官下文云於是遷始仕爲郎中明此時尙未仕則此行殆爲宦學而非奉使矣

又案史公遊踪見於史記者五帝本紀曰余嘗西至空峒北過涿鹿東漸於海南浮江淮矣封禪書曰余從祭天地諸神名山川而封禪焉河渠書曰余南登廬山觀禹疏九江遂至於會稽

大湟上姑蘇望五湖東闕洛汭大邳迎河行淮泗濟漯洛渠西
瞻蜀之岷山及離碓北自龍門至於朔方齊太公世家曰吾適
齊自泰山屬之琅邪北被於海膏壤二千里魏世家曰吾適故
大梁之墟孔子世家曰余適魯觀仲尼廟堂車服禮器諸生以
時習禮其家余低徊留之不能去云伯夷列傳曰余登箕山其
上蓋有許由冢云孟嘗君列傳曰吾嘗過薛其俗閭里率多暴
桀子弟與鄒魯殊信陵君列傳曰吾過大梁之墟求問其所謂
夷門夷門者城之東門也春申君列傳曰吾適楚觀春申君故
城宮室盛矣哉屈原賈生列傳曰余適長沙觀屈原所自沈淵
蒙恬列傳曰吾適北邊自直道歸行觀蒙恬所爲秦築長城亭

障塹山湮谷通直道固已經百姓力矣淮陰侯列傳曰吾如淮陰淮陰人爲言韓信雖爲布衣時其志與衆異其母死貧無以葬然乃行營高敞地令其旁可置萬家余視其母冢良然樊鄴滕灌列傳曰吾適豐沛問其遺老觀故蕭曹樊噲滕公之冢自序曰奉使西征巴蜀以南南略邛笮昆明是史公足跡殆遍宇內所未至者朝鮮河西嶺南諸初郡耳此上所引其有年可考者仍各繫之於其年下餘大抵是歲事也是歲所歷各地以先後次之如左

適長沙觀屈原所自沈淵

屈原賈生列傳

浮於沅湘

自序

闕九疑

同上

南登廬山觀禹疏九江遂至於會稽大湟

河渠書

上會稽探

禹穴

自序

上姑蘇望五湖

河渠書

適楚觀春申君故城宮室

春申

君列傳

據越絕書則春申君故城宮室在吳

適淮陰

淮陰侯列傳

行淮泗濟漯

河渠書

北涉汶泗講業齊魯之都觀孔子之遺風鄉射鄒嶧

自序

適魯

觀仲尼廟堂車服禮器諸生以時習禮其家

孔子世家

扈困鄆薛

彭城

自序

過薛

孟嘗君列傳

適豐沛

樊鄴滕灌列傳

過梁楚以歸

自序

適大梁之墟

魏世家及信陵君列傳

又案漢書儒林傳司馬遷亦從孔安國問故遷書載堯典禹貢

洪範微子金縢諸篇多古文說公從安國問古文尚書其年無

考孔子世家但云安國爲今皇帝博士至臨淮太守蚤卒安國

生驢驢生卬旣云早卒而又及紀其孫則安國之卒當在武帝